


二十九



廿九



天順四年至八年

廿九



本册

刘本全瀾

國權

庚辰天順四年

正月辰下學來犯延綏并見坪

癸未作輕陣五百輛銃砲各三千

丁亥上南郊

太常寺卿李希安為禮部右侍郎署寺事

戊子前工部尚書謹身殿大學士高穀卒穀字世用揚之興

化人永樂乙未進士選館授中書舍人甲辰進春坊司直



即洪熙初進翰林侍講正統初直經筵戊午進侍講學士乙丑進工部右侍郎兼侍講學士直內閣己巳留守尋進工部尚書兼翰林學士議迎駕直千戶壘遂榮之獄己進少保兼東閣大學士壬申進太子太傅巡災南京救給事中林聰獄丙子復兼謹身殿大學士天順初辭官銜致仕性簡峻寡交淳謹肅靜工詩善書晚歲不給至為里中童子師有問正統景泰天順間事者默不應賜祭塋贈太保謚文義

數萬魁榆林總兵官彰武伯楊信禦之復入信分兵追至金雞峪擒十二人斬三十五級獲馬百匹

禮科給事中張寧等劾翰林學士呂原彭時林文劉定之等郊祀至西天門不下馬宜付法司上省之

夜月犯井宿

辛卯南京工部左侍郎孟鑑卒博野人

進士

壬辰夜月犯軒轅

乙未右都督過興為征蠻將軍總兵官鎮守廣西己亥勅諭入覲官

夜大星青白光自中台派紫微西籜

唐子令巡撫甘肅右副都御史芮鈞奔母喪還任



中軍帶俸都督同知杜清故石亨戚也有怨望下獄降雲南  
都指揮同知

豐潤伯曹義卒義儀真人洪武末襲燕山左衛指揮僉事宣  
德五年以湖廣署都指揮僉事捕江西梅花峒賊十年以中  
軍都督僉事總兵官鎮遼東捕進左都督天順初封義廉  
介有子號令嚴明卒繼室李氏自經殉之詔旌焉贈義豐潤  
侯謚莊武

辛丑許山東葛林黃黑菜莖准米

壬寅定西侯將琬印馬山東河南受魏逮下獄奪祿一年

左僉都御史程信奏事不實改南京太僕少卿  
前都督僉事任啟卒

癸卯錦衣衛指揮同知逯杲上言忠國公石亨怨望益甚其  
姪孫進士後詐疾削籍後與亨造怨謗為妖言曰土木掌兵  
權亨有所愛都督同知杜清其云土木杜也邇者光祿寺火  
亨曰此天火亨畜亡賴二十餘人專伺朝廷觀其心快且  
不軌上曰朕念亨微勞犯罪累曲貸乃怨謗生他望其下  
錦衣獄廷鞠之  
甲辰籍石彪家



乙巳吏部大計罷斥九百三十人  
籍石亨家及庄田之在渭南大同者

丙午左布政使賈銓梁際蕭暄徐璟李顯按察使劉孜知府  
丘陵胡濬知州張福知縣張瑄各賜錦衣一襲鈔千貫宴禮  
部初上諭李賢曰觀官大集旌異當如祖宗之典故有是

命

二月酉與安侯徐亨卒亨嗣爵宣德丁未從征交趾正統甲子  
征迤北功進封侯鎮守陝西日費十二金民頗苦之賜祭葬  
謚武襄

庚戌廣西獐賊流劫永州陷柘川杞杞二千戶所永明江華

二縣

辛亥勅諭文武群臣以石亨為戒

壬子盜陷梧州

癸丑戶部尚書沈同欽仕

甲寅前兵部尚書兼翰林院學士苗衷卒衷字秉彝定遠人

己丑進士授編脩歷脩撰侍講正統初實錄成進侍講學士

久之直閣丁卯進兵部右侍郎景泰初進尚書致仕衷溫厚

典重文章典實獲保榮名有曰然矣賜祭塋贈少保謚文康



乙卯翰林院學士呂原尚醫司少卿兼翰林脩撰柯潛主禮  
闈  
戊午重作鳳陽大龍興寺五統五年火  
壬戌夜月掩太微垣上相星  
癸亥石亨瘦死刑部獄法司請梟示榜罪天下 上竟瘞之  
亨渭南人儀幹脩偉姪彪亦如之嘗飲酒肆相工見之曰今  
太平安得此兩侯哉家世寬河衛指揮僉事伯父巖亡子亨  
得嗣英果有膽氣善騎射提大刀飛舞彪持斧挽強每戰亨  
先登彪從之亨累功都指揮使彪以舍人授大同衛鎮撫正

統亨進都督僉事為大同左叅將守萬全彪亦遷都指揮已  
己亨坐失援同楊洪並獄也先魁京城赦出使將兵亨與彪  
出安定門擊 追至城西卻之又令彪誘至彰義大戰 潰  
追及清風店 懼且出側馬關亨使韶曰石將軍行未至彼  
假其名耳 信而反戰亨等復擊殺數百人始知石將軍在  
也盡棄羊馬鞬重而遁亨名震 中封武清伯更進侯兼太  
子太師總京營兵彪進都督僉事為大同左叅將諸子姪並  
陞千戶當時于謙本兵亨與楊洪為將皆朝廷所倚及迎駕  
奪門進封忠國公召彪為都督同知充游擊將軍家人石寧



等十餘人皆陞指揮千百戶有差文武既趨石氏大納其略  
嘗命工部為治第上登翔鳳樓恭順侯吳瑾撫寧侯朱永  
侍上指顧而問永謝不知瑾曰必王府耳上笑曰非也  
瑾曰非王府孰敢然上顧太監裴當曰而聞之人乃不敢  
言石亨自是上益踈石氏以至於敗  
南大吉曰亨雖不學性亦直爽軒豁而無機變之巧當  
英皇北狩群胡進圍京城四方震恐中外戒嚴大將元老  
束手無策微亨則國家幾殆然則亨此功雖謂再造社稷  
可也使其後無迎駕奪門之事則威權不赫彪亦何恃而

驕哉夫何王文輩希圖富貴預起邪謀遂致亨承內旨率  
兵迎立功歸臣下威震朝宇諛媚玩作媒孽亦隨當是之  
時謂亨恃寵驕恣則固有之若曰大逆不軌蓋亦不須有  
耳乃闔門就僇以快仇隙之心哀哉  
李贄曰使石亨早沒於未奪門之前豈不足稱武烈名臣  
哉馬昂之本兵有貞李賢之進閣皆亨所薦也  
何喬遠曰石亨清風店之捷李夢陽所謂賦石將軍戰場  
歌者也予讀而悲之亨威名震主不知挹損以及於難彪  
誅一時稱快久之謂朝廷失驍將焉



談遷曰石亨非逆也彼一介武夫起隴畝出入行間提尺  
刃冒百死以取封侯而又出太上天於幽潛之中日月並  
曜若曰富貴由我自非赤烏之上詰黃綺之素心能毋驕  
乎學士大天明詩書踐禮道穿階連組猶渝其度乃欲以  
回天浴日之烈款循墻飲露之風亦自古所難也此蓋  
裕陵失之於初耳假復辟之後早釋其兵柄效宋藝祖之  
杯酒或借錢湖貴間莫美叛類則殫附之輩何至死死地  
如驚哉語云嬰兒常病傷於飽貴臣常病傷於罷之甚  
死亡乘之矣雖然奪其帶礪稍優以渭南之餘田世秩萬

戶庶於功過相劑而竟籍滅之俾無聞焉則李文達所議  
奪門之非不無溢罰矣

甲子改湖廣金沙洲舡鈔收米賑饑

乙丑靈州千戶所土官國初人授田百畝故不祿正歲給布  
三匹後歷進千百戶停歲而仍不祿告困上聞之概予祿  
丙寅復右僉都御史韓雍

丁卯設定遠侯石彪、驍勇善戰累功北邊胡人俱畏之

戊辰應天府丞陳宜淮安知府丘陵為雲南湖廣左右布政  
使



亭未雲南帶倭都指揮同知杜清削籍安置金齒誅石後籍其家

前國子監祭酒陳詢卒詢子女同華亭人進士選館員才氣久不得選同鄉學士沈度規以徇時面斥之太宗間而嘉其直尋擢編脩歷脩撰侍讀進侍講學士坐累謫守安陸正統己巳拜大理少卿巡撫畿內景泰初改太常少卿兼侍講學士尋改祭酒善草書言論慷慨頗使酒妨業云

癸酉工幸南苑

甲戌夜大星赤光自軒轅派北河

乙亥遣太監王定書迎蒙王瞻塔入朝

丙子左副都御史年富為戶部尚書雲南左布政使賈銓為左副都御史巡撫山東

廣西變賊陷信宜縣

三戊寅朔策貢士陳選等有五十六人於奉天殿賜王一雙李永通鄭環等進士及第出身有差

己卯工幸南苑

壬午協贊廣西軍務監祭御史吳禎平田州賊呂趙斬之甲申襄陽府同知李孟芳為湖廣布政司右叅議提督太嶽



太和山事

免開封去年田租十三萬八千七百三十餘石

乙酉大雨雪

丙戌進士劉健張賑李溫張謹楊德張顯周經王範蔡霖張  
溥楊瑛鄭紀董璫汪諧張元禎選翰林院庶吉士以學士劉  
定之侍讀學士錢溥教習王一夔等俱肄業

辛卯 上幸仰山窪

福建右布政使石瑁為南京吏部左侍郎

戊戌免蕪州去年田租四十三萬八千一百八十餘石

己亥鎮守湖貴太監阮讓私闖東苗俘童千五百六十五人  
死三百二十九人復買足闖之勅責讓

癸卯進士雷霖屈祥楊完劉誠為翰林檢討侍德王

丙午武平侯陳友卒友其先西域人寓金椒永樂中以騎卒

從征，捕獲忠勇王也先土干部宣德初授百戶復招降捕

丁進副千戶正統初屢招，降累陞都督同知充左叅將征

湖貴苗克之進後軍右都督留鎮湖廣累勅銅鼓五開等苗

天順初封伯與，戰鎮番五十餘捕獲千餘進流侯卒子能

嗣伯爵



元朝... 洪武... 洪武... 洪武...

四朝... 洪武... 洪武... 洪武...

四朝申凡三品以上子孫求入監者不許

已酉太監盧永羅珪少監馮讓內使何能開辦浙江雲南福

建四川銀課

壬子襄王瞻塔來朝

戊午翰林院學士倪謙成遠東初謙主試順天門人章黼下

第銜之恭選校言謙使遠府遠庶人貴奕以母與謙妻皆武

九

定侯郭氏曰魏謙謀復爵謙還庶人壻魏玉武謀縉復儀賓

謙草奏得之庶人又酬謙奏上下謙錦衣獄遣成

庚申朝鮮貢白雉安南入貢

交城王美垞妃曹氏妬悖勒自盡

夜月暈

乙丑免松江蘇州去年旱災田租四十一萬三千七百十三

石

已巳命藩府無子方許請繼室子八歲方請名女十五歲方

請封著為令



庚午致書襄王曰叔父來觀晤間屢聞嘉言裨益良多及叙  
親情乃知世子妃病未有出而庶長子已十歲知向學朕甚  
喜之重閉之下宜有令孫茲特立見淑為襄世孫以遂叔父  
裕後之懷  
進士于欽為吏部主事

貴州賊王阿榜等作亂副總兵都督僉事李貴等擊之斬二  
百三十餘級賊遁命捕阿榜等

壬申致書襄王曰叔父國家至親雅有賢譽且享優游之樂  
每歲秋冬間可出城游賞三五次或世子郡王從亦可玩覽

山川獵取禽獸暢懷怡情焉

癸酉夜大星青白光自河鼓派雲中

甲戌勅朝鮮國王李璆爾殺毛憐衛都督卞兒哈謂通謀  
煽亂然隣之人且其子阿比車忿然思報也聞阿比車母尚

在宜送連東令阿比車完聚庶可釋憾

起復右副都御史林聰

夜大星青白光自角宿派軒轅二小星隨之

乙亥蒙王辭上送至午門外握手泣別王拜上亦拜王

起行散步顧且拜上使中官掖之王起行且教顧上目



送出端門御製峴山漢水二賦及襄陽四時歌以榮之  
安南臣黎壽域起兵討黎深殺之立濟弟灝僭號光順  
五月丑召欽仕戶部左侍郎張睿督理京儲

鎮守寧夏都督僉事張義卒

通事都督同知馬顯都督僉事李鐸道值蒙王不下騎銅錦  
衣獄

貢士萬經禮闈下第訐考官脩撰劉宣以鄉人故見斥命試  
之謬甚械禮部前削籍

壬午免廣平杭州去年災租三十三萬三千餘石

萬安人羅學淵上詩三百餘首多淺俚下獄錮之

癸未禳旱

甲申占城入貢

丙戌靖遠伯王驥卒驥字尚德東鹿人永樂丙戌進士授兵

科給事中進山西按察副使洪熙初拜順天尹宣德二年拜

兵部右侍郎歷尚書討陝西阿台朶兒只伯有功尋征麓

川功封景泰初予世驥沉毅有方略屢立功邊徽年六十三

贈靖遠侯謚忠毅

王世貞曰靖遠才而欲武略則優興濟善才而巧武功徐



貞才而躁其陰故忍刻皆有陰慝然而靖遠差寬之矣不然以麓川之三役塗炭幾天下半而卒以長世也武功之占候奇矣其事再驗一不驗幾遂悞國世之所謂不祥入也耶

戊子大理寺左少卿廖莊服闋調南京

庚寅增蘄州通判長洲吳江常熟崑山嘉定吳縣圭簿各一專理農稅水利

彭城衛指揮侯蔣謙忿石亨瘦死嘗曰速果陷之也詭稱皇太后夢亨訟寬上問之戎謙鉄嶺衛

乙未南京前軍都督僉事王善卒

丙申都督同知蒯信為征西將軍總兵官鎮守寧夏

己亥故泰寧衛左都督鞏干帖木兒子脫、孛羅襲都督僉事

太監阮忍請遣內使韋肖往浙直織幣不許

癸卯夜大星赤光自婁宿流雲中

六月未也先不花奏求高麗布樂器藥品命量予之

丙辰通州新倉成曰大運南倉

己未免順天迤租二萬餘石



庚申夜月食

壬戌南京後軍右都督杜忠卒

癸亥常德不詳去年交租百三十七萬餘石

乙丑保定伯孟俊卒

戊辰陳能嗣武平伯陳友子原派侯故襲伯爵

己巳進士李綱張祚展錄吳遠方佑端宏韓祺監生李傑賈

俊梁觀袁愷呂璨方漢荆綸馮徽唐震常振為監察御史

壬申朝鮮國王李璆欲遣子弟入學習文字漢語勅止之篤

志經籍自有餘師漢音有譯人無悞也

甲戌南京尚寶司丞夏瑄為少卿

七月亥朔日食

丁丑山東道監察御史王越為山東按察使

金星犯右執法星

戊寅曹振嗣豐潤伯曹義孫

庚辰徵天下逃匠三萬八千四百餘人

壬午徵寧府臨川王磐婢及長子奠瑜入京以備修慶嘔奠

瑜以聞

癸未故大理寺少卿古鏞既黨廢鄉人訐其怨望不軌械入



京杖釋

甲申後軍都督僉事王斌致仕

安南使臣程稜等云國王黎濬游湖溺死且釋服乞免吊從

之

夜金星犯左執法星

丙戌金星右衛指揮同知高文受賄露自經命梟示

丁亥上足疾不朝累日

戊子夜月犯牛宿曉刻火星犯罇星

己丑苗李來毛里孩阿羅出肯者伯顏以萬五千人屯詭

十

泥山窺寧夏逆而勒甘肅太監蒙泰等飭備

辛卯鳳陽府奏淮水橫潰沒田廬亡筭命巡按御史中都留

守司各遣官存恤漸築治

甲午上朝罷召李賢王翱馬昂慰問良久賜金及宴

進士黃縉陳鉞為給事中

蕪州知府李遜為鎮守珠池內使譚記誣其縱盜下錦衣獄

遜悉訐記罪逮記錮於獄復遜官

湖廣當造紙遣中官阮棗工部言楚饑當携造於稔地

皆罷之



丙申貴州清軍監察御史郭本上言各鎮守總兵等官多帶  
京衛官園利生事宜悉徵回時上怒下錦衣獄因勅戒各布  
政司并各清軍御史謂不脩本職預他事也謫雲南永平主

簿

戊戌夜月犯天高星

己亥夜大星青白光自女宿派近濁

辛丑遣勘應天淮安鎮江揚廬蕪常池太平徐和杭州嘉興

紹興金華處水災青州桂林旱災

癸卯徐賢嗣興安伯徐亨子

十一

工部右侍郎翁世資降衡州知府工欲於蕪松浙而增織

絲幣七千匹工部請減忤旨謂事出世資下獄謫之

工部左侍郎霍瑄督運大木

甲辰朔免武昌漢陽襄陽德安常德黃荆辰水災田租

遣勘順天真定保定廣平河間大名開封汝寧濟南登甘肅

水旱

夜大星青白光燭地自北斗杓派近濁

辛亥瓜哇國王都馬班入貢

夜大星青白光如斗聲如雷自昴宿



癸丑後軍都督同知劉信卒

三河人

甲寅占城國王槃羅悅入貢

乙卯河南永寧軍金聲進白兔僅給鈔足道費

丙辰宣府大同屢被寇命撫寧伯朱永等巡邊

夜火星入鬼宿

戊午上諭戶部曰四方奏報水旱民多困苦朕甚閔焉其

檄撫按覆視災甚者租稅悉除輕則量蠲之賑其不給

前通政司使李錫卒咸寧人貢士授蒲州學正超吏科給事

中歷禮科通政司左叅議左通政正統九年進通政使景泰

十六

中加太子少保諭年致仕專諂近習致通顯貪贖無厭雖告

老久滯都下卒賜祭葬

己未安南世子黎深入貢

禁假校尉行事害人者時錦衣衛指揮同知逯杲教使校尉

察事中外下指揮使門達殿獄於是鎮巡宴犒無虐使雖親

藩亦畏之每一遣勘至輒傾數巨室在京占田攬稅入莫敢

誰何多假稱校尉乘傳需索矣杲恐事敗請都察院榜禁之

黎麟庶長子深為安南國王黎濬無子

甲子丁酉李來祀大同趙玉林衛



蜀安慶池寧國廣德去年灾租七萬三千石有奇

入京州掠官馬

丙寅復王槩河南按察使初槩入覲邏校誣其受賂下錦衣獄果失實槩王初入朝河南父老遮王車訟冤王入言日從洛中來洛父老無不言冤王按察者上領之

丁卯廣東韶州

諸郡逃民萬計命按察司分巡官撫之

己巳光祿寺大烹內門火

庚午夜天鳴

辛未遣監察御史錦衣衛官各二人撫安畿內軍民時訛傳

寇至統避也

南京刑部尚書耿九疇卒九疇字禹範廬氏人永樂甲辰進士授禮科給事中  
正統初進兩淮鹽運司同知盡釐宿弊憂去民留之尋進鹽運使戊辰進刑部右侍郎尋撫安鳳陽奉勅巡撫江北景泰初錄囚復鎮陝西威望益著邊將請益戍臨沅諸衛議冗食已之又曰今邊民皆春夏出田秋冬移入塞夫民春夏田而秋冬塞何以邊將為請有民移者罪之明年轉右副都御史止買羊角燈寬耀州妖民反獄天順初召拜右都御史屢言事以曹石排下獄降江西右布政又陳汝



言構之 上終思其清節自四川左布政使進南刑部尚書  
上聞訃歎曰惜之賜祭葬九疇性孝友敦尚石道奉身節儉  
公退惟焚香讀書而已

袁泰曰國賦大半資蕪松而鹽課惟兩淮為最然官運司  
者多廢汙鮮克自樹蓋士之自好者耻為此官而司銓者  
至皆以黷冗羗昏者主之亦不復叙遷輒考斥而去由是  
鹽法大蠹奸弊百出而商人皆不樂報中竈丁且失而國  
課日縮殆不知所稅駕也安得如耿公者使久於其官一  
掃清之耶

癸酉召

副都御史白圭南京戶部左侍郎馬諒

九月亥夜大星青白光自宦者星流女宿

丁丑西苑凝和迎翠太素等殿飛香擁翠澄波歲寒會景映

輝等亭成 上臨幸召文武大臣游賞竟日

戊寅蠲河間今年夏麥萬一百九十石有奇

己卯徵鄭世子祁鏞涇陽王祁銑訓戒之

庚辰趙王祁鏞薨年三十謚曰悼

揚州知府王恕為江西右布政使

上圍大同右衛



辛巳臨朐福山縣蝗災

馬諒為戶部左侍郎

丙戌科給事中王汝霖行人劉恕封故占城國王摩訶槃

羅悅弟槃羅茶全為占城國王

丁亥夜月犯壘壁陣

戊子封友墳石泉王友塘汶川王豪隼衡陽王

己丑夜月犯外屏東星

庚寅撫寧伯朱永都督俞弼白玉鮑政以七千騎巡宣府

壬辰湖貴總兵官都督李震等追妖賊李天保敗之斬三百

十九

七十五級天保麻城人通稅走苗中糾眾偽稱唐王改元武

烈屢攻城堡然敗而未獲

夜月犯畢宿

甲午南京左都御史蕭維禎為南京刑部尚書

蜀南昌吉安廣信瑞饒去年災租四十一萬五千一百九十

七石有奇

乙未鎮守浙江都督同知李信卒

夜月犯天鐔星

巡撫湖廣右副都御史白圭還為兵部右侍郎



夜月入鬼窟

壬寅夜大星青白光燭地自壁宿派土司空

是月蠲香河深趙通六安肥鄉隆平柘源含山當塗蕪湖繁

昌宣城泰興儀真全椒懷寧桐城潛山太湖宿松貴池上海

華亭宜興嘉定秀水嘉善景陵武陵龍陽沅江公安宜城嘉

魚京山監利南漳江陵鈞裕鄧磁太康襄城柘城鹿邑陽武

新鄭舞陽魯山內鄉鎮平南陽新野泌陽安陽臨漳湯陰河

內修武溫孟登封水災田租

十  
庚戌脩徐王墓

壬子夜月犯壘壁陣星

乙卯王瑞嗣靖遠伯王驥子

己未錦衣衛帶俸都指揮僉事馬雲使檄馬兒罕至哈密以

訖加恩蘭兵阻召回

甲子。上閱騎射西苑賜總兵官會昌侯孫繼宗等騎射官

賜鈔有差謂學士李賢彭時呂原尚書王朝馮昂曰為國重

武練武先騎射皆頓首稱善皆賜宴鈔

戊辰幸南苑

庚午夜熒惑犯太微垣上將星



壬申夜木水金星會氏宿

十月癸酉朔南京吏部左侍郎石瑁為禮部尚書禮部尚書蕭

昉調南京戶部右侍郎薛遠改工部

甲戌，三百餘騎入花馬池總兵官楊信追之僅獲馬二十

七匹召信還京命右叅將都督同知張欽暫領其衆

丁丑南京禮部右侍郎章綸調南京吏部

戊寅孟昂嗣保定伯孟俊子

己卯進士顧以山林祭王諫羅義為南京監察御史

南京右僉都御史張楷卒楷字式之慈谿人

進

士授御史歷陝西提察僉事副使至右僉都御史監軍閩浙

狃寇坐罪免天順初復秩致仕又賂近幸得募兵陝西改南

京士論薄之其力學嗜詩日不絕吟終無廉能聲

甲申夜大星青白光自弧矢涿近濁

乙酉南京監察御史陳琳憂居自鞠村盜并訐奏知州程亨

徵下獄謫岳池知縣

己丑夜大星青白光自鉤陳深北斗杓一小星隨之

庚寅右僉都御史韓雍巡撫大同

金星晝見



乙未夜月行太微垣中犯三公下星

丁酉工復闕騎射於西苑皆隨操武臣侍衛勇士賞賜降  
將領一等

辛丑宣府總兵官武強伯楊能平能從伯父洪有功累開平  
衛指揮使敗一灣河三岔口權都指揮僉事從洪還朝連敗  
紫荊倒馬二關景泰初權都指揮同知以游擊將軍禦  
宣府敗之一里溝一里村權都指揮使仍充游擊將軍統神  
機京兵尋權後軍都督僉事充左叅將鎮宣府進都督同知  
充左副總兵召還總神機營天順初進左都督宣大有警能

請自行敗一磨兒山石灰站封流伯沉毅善騎射累樹邊績  
無子

閏十朔卯朔致書襄王瞻塔曰承惠藥及方已祇領惟衛生之  
術先資藥餌而方書不下數十家非考驗參閱之至疇得要  
且良叔父明達仁恕留心於此良方佳劑親愛惠予感慰之  
深布此以謝



庚戌幸南苑

戊午曉刻月食四分有奇署欽天監事禮部右侍郎湯序不預奏上切責之李賢曰天戒有在人君正欲因而儆懼序奸不忠乃不奏聞凡遇災異皆隱不言見象變必曲解說或將天文書所載不祥語改削進過吉兆即詳呈序奸不忠無所容遂及監正副等官皆下獄降序太常寺少卿

己未幸新村壩閱仗馬



十二月朔武進伯宋瑛卒

廢臨川王磐煒及世子奠埡俱為庶人磐煒守鳳陽祖陵奠埡守寧獻王墓

鎮守貴州內官鄭忠右副總兵都督僉事李貴等徵兵三萬五千征西堡蠻賊自普定分二道進貴州宣慰使安隴富以土兵二萬助之

丙子遣右副使李廣駙馬都尉薛桓錦衣衛指揮遠果勘事寧府時錦衣衛校尉各刺外事有妄言弋陽王奠壘蒸其母工貽寧王奠培書按之

丁丑釋徐有貞還吳

壬午夜月入畢宿

癸未十餘騎寇寧夏東路出花馬池興武營官軍追之不獲

乙酉下高陽伯李文太監陳瑄錦衣獄以大同屢寇按兵不出也降文都督僉事從征延綏

夜大星青白光自北河涿近濁二小星隨之聲如雷

丙戌太白晝見

前刑部右侍郎李棠卒縉雲人宣德庚戌進士授刑部主事



歷右侍郎巡撫廣西著聲廉介不苟取

丁亥山東道監察御史閻鼎謫廣西平南縣主簿鼎巡按浙

江言開辦銀課內外等官擾害軍民狀忤旨下獄

戊子免文安縣災租二千四百二十餘石

己丑鞏昌府同知崔達任滿吏民求為知府從之

庚寅方教嗣南和伯方瑛子

刑科給事中曾瑄早朝遺溺下法司請連江主簿

甲午署光祿寺事禮部右侍郎蔚能轉鬻食器下錦衣獄降

南京光祿寺卿

廿二

夜月犯內屏星

丙申山東布政使劉攸為右副都御史

庶子遣勘安慶南陽水旱

大理寺左少卿李茂卒吉水人正統己未進士

是年賜致仕四川按察僉事錢塘王琦百金琦家居清苦嘗

大雪僵臥數日終不受餽杭州知府胡濬以閭命周之琦辭

謝竟餒卒



陳善曰世習混濁在絕俗之操如鳳麟曠見乃王公多清  
貞抗志塵表脫屣軒冕視一世已而志甘溝壑跡擬由夷  
其壯節清風輝映今古推其心雖與日月争光可也而悠  
悠者移等為苦節何與

辛巳天順五年

正月未太白晝見

戊申勅巡撫兩廣右僉都御史葉盛往瓊州捕賊即瑄、故

廿六

千戶邵偉子糾衆行劫據城作亂都指揮安福率兵攻城瑄  
出走追斬之盡獲其黨

己酉夜月入犯暹宿

庚戌 上南郊

丙辰湖廣貴州總兵官都督僉事李震征西堡賊擒渠帥十  
一人斬三百五十九級

戊午 犯平 城守備指揮孫廣等追敗之旋中伏失利  
夜火星入太微垣

己未增廣東布政司右叅議專理糧儲



城大同聚落高山二站

夜月犯亢宿

癸亥遣鄭世子祁鏜涇陽王祁統還國

代府山陰王遜燧襄垣王遜燾遷蒲州宣寧王遜焯隰川王

遜燿遷澤州靈丘王遜烜遷絳州懷仁王遜炳遷霍州

廣西涿賊掠化州遂溪廣東副總兵都督同知歐信等擊斬

九十六級賊遁還廣西

甲子起李賓大理寺卿初少卿李茂卒 上謂李賢曰大理

法官今止寺丞二名位輕恐不敢與法司持辨卿與王翱擇

廿七

之遂以李賓上

乙丑廣西總兵官右都督過興勦慶遠清潭賊斬六百十二

級又征古河毛峒蠻賊斬百三十級

丙寅巡撫南畿左副都御史崔恭為吏部左侍郎

湖廣妖賊李天保潛入貴州鬼池誘絞峒苗攻中林長官司

總兵官李震捕送京師伏誅

四川布政司左叅政劉清卒 除人給事中監軍 進士選館授兵

胡廣貴州軍務有功拜刑部右侍郎天順初降叅以雖有才

二 己卯都指揮僉事海榮錦衣衛指揮使馬鑑使海西



免濟南青萊登兗東昌去年災租二十四萬餘石賑開封饑  
辛巳通政司左叅議尹旻禮科給事中王豫司禮太監柴真  
等奏奉使安南至橫州則黎宗弼前國王黎濬詭云溺死請  
封國人不辰故國王黎麟子灝主國事深自盡臣等當返報  
聞  
壬午免肥鄉六縣去年災租萬三千一百餘石  
庚寅停廣東採珠巡撫葉盛言珠池再採俟時平採之  
辛卯諭法司辨冤獄毋避嫌 上諭李賢曰錦衣指揮速果  
誣弋陽王莫盤敗倫事今云不實宗室如此它枉多矣

甲午 亭來萬餘騎屯莊浪攻掠命副總兵仇廉率官軍土  
兵萬一千人禦之

丁酉 四百餘騎渡蘭縣河入掠都指揮彭智以千騎值之葦子  
灣擒四人斬五級賊遁走渡河俱溺河北賊駭遁收高產三

千

乙未 濬涇陽高陵櫟陽涇河水入渭

丙申 都督僉事顏彪為征夷將軍總兵官征兩廣擒賊徽九  
江等衛官軍萬人

丁酉 進士沈瑄魏元董振常寧王秉彝為給事中瑄吏科元



振禮科寧東彞兵科

庚子免河間逃租萬一千餘石

募商納粟蘭縣中鹽

辛丑貴州右叅將都督僉事劉玉為右副總兵代李貴

三期卯大星赤光自紫微西藩派織女

甲辰夜大星青白光自天乳涿天市垣宿者星三小星隨之

丁未貴州右叅將都督僉事劉玉平西堡蠻斬九百餘級

戊申廣東賊陷靈山縣

辛亥夜月犯內屏星

廿九

壬子免蕪松常鎮去年灾租五十三萬餘石

起復慶遠試知府周一清

癸丑城順聖川

安遠侯柳溥卒溥嗣父陞爵正統初總大營佩征蠻將軍印

鎮兩廣地縱蔓盜召還總神機營景泰初兼太子太傅進太

子太師復鎮廣西天順初召還尋加太傅拜平大將軍西

禦涼州無功奪太傅溥雖廉慎乏謀勇軍威不振卒謚武

肅

甲寅故武強伯楊能七子第倫襲羽林右衛指揮使



乙卯浙江都指揮同知王政鎮守浙江時鎮守都督李信卒  
己未南京戶部尚書張鳳卒鳳字子儀安平人丁未進士授  
刑部主事能廉謹正統間特擢右侍郎巡視倉場改南京戶  
部秩滿復轉左侍郎尋進尚書景泰中改南京兵部踰歲召  
改戶部天順初仍改南京性淳朴雖短於才學待故舊終始  
如一不問貴賤卒賜祭葬

癸亥廣寧侯劉安掌中府

昏刻火星犯太微垣右執法星

丙寅薊州永平右叅將馬榮為總兵官鎮守

湖廣貴州總兵官都督僉事李震平城步徭獍賊斬千餘級  
盡克其寨

丁卯總督糧儲左都御史軒軼兼筦淮揚倉糧

夜木星退犯房宿上星南京朝天宮災

四朝未朔城滄州

壬申命南京撫夷都指揮同知廉忠從征兩廣賊領寓夷四  
百六十六人留指揮韋興撫夷

癸酉海寇掠揭陽等縣

甲戌亦力把里等國入貢



丙子命撫寧伯朱永領馬萬一百餘匹俱牧宣府近城  
丁丑犯莊浪鎮守都督僉事林宏等擊卻之

庚辰游擊將軍都督同知和勇以兩京胡騎九百五十餘人  
從征兩廣賊

蔚州衛草場火

癸未免真定去年災租六千九百八石

夜曉刻大星青白光自北斗魁派雲中

甲申瓦剌太師也先弟伯魯王為都督僉事從子兀忽納為  
指揮僉事伯魯王即哈密王母孛溫答失里弟兀忽納母從

子也因也先亂俱寓哈密故王母上書請秩

乙酉大明一統志成上序之時總裁官吏部尚書兼翰林

學士李賢太常少卿兼學士彭時學士呂原副總裁學士林

文劉定之錢溥纂脩官侍講萬安李泰左右中允孫賢劉珣

修撰陳鑑劉吉童緣黎淳左贊善牛綸編脩王傑戚瀾陳秉

楊守陳李本丘濬彭華田直徐瓊編脩兼校書徐溥檢討邢

讓張業催纂官中書舍人馬麟韓定騰錄官太常寺卿夏銜

順天府丞余謙禮部郎中王叔安員外郎陳綱凌耀宗林章

葉琰何暹中書舍人謝宇曹晃溫良劉珙黃清焦瑛凌暉王



陳序班李惠陳福蔚璫周璟吳震陳經王禮門升劉詢梁俊  
毛顯翰林院秀才姜立綱

*（Faint bleed-through text from the reverse side of the page, including names like 王佐子 and 受賂戎宣府）*

丁亥順天府丞王晋 戶部尚書 受賂戎宣府  
戊子雲南按察副使夏裕松江知府葉冕兗州知府郭鑑延  
平知府胡欽東昌同知陳清岳州通判周銳郴州知州袁均

哲秦陽知縣夏亨息縣知縣王思密雲知縣郭堅新安知縣  
強勉高陽知縣魯能寧津知縣周用上海知縣李文俱卓異  
賜誥勅

己丑犯西寧都指揮汪清禦之失利  
辛卯西安饑疫遣太常寺丞立晟祭西岳  
廣西派賊陷北流縣  
壬辰進士李和劉昊為吏兵科給事中談倫為吏部主事  
犯請衛官軍禦之斬十三級  
前禮部右侍郎錢習禮卒習禮吉水人永樂辛丑進士選館



授檢討洪熙初進侍讀兩朝實錄成進侍讀學士正統乙丑  
進禮部右侍郎兼署吏部致仕恬靜寡欲才敏思深文行見  
重年八十九賜祭葬謚文肅  
癸巳勅兵部右侍郎白圭往陝西會兵討  
乙未上諭李賢曰朕每夙興拜天畢省章奏出朝退謁  
母后復省章奏始膳衣食從宜賢頌儉德又曰朕讀尚書  
如典謨誠格言也又曰朕在官暑不扇冬不爐賢曰聖質  
之厚聞宋仁宗亦然上曰聞景泰不與大臣接語賢曰先  
儒謂接賢士大夫之時多君德大有益上曰然

己亥上諭李賢曰軍官季俸至天十四萬餘府庫入少出  
多奈何賢曰自古國家患冗食今衛官二千有奇冗矣上  
曰令兼支布錢則何如召與吏戶兵三部尚書議曰議畢且  
復下廷議否者不惟歸怨朝廷亦怨於爾輩

五甲辰南京禮部尚書蕭昺率昺泰和人可未進士授南京吏  
部主事歷雲南湖廣左右布政使天順庚辰卓異宴禮部尋  
拜禮部尚書重厚廉靜有外譽及在朝踈略調南京卒賜祭

葬  
丙午朱雲嗣武進伯朱瑛子



丁未免開封汝寧懷慶彰德河南南陽去年災租二十六萬

七千九百十三石有奇

辛亥南京太僕寺少卿程信為刑部右侍郎

丁未免涼州總兵官宣城伯衛穎擊敗之

夜大星青白光自河鼓流近濁

甲寅夜月食

乙卯勅右都督馮宗往蘭縣會白圭梁瑒衛穎禦

已未免南昌南康饒九江去年災租五萬一千三百六十餘

石

戊辰弋陽王璫敗倫事既証因仍令錦衣衛指揮遠果按之

奏亡有上怒責問果果懼言有之命賜王母子自盡昇尸

出焚大雷雨平地水數尺父老驚愕皆歸罪果

南雄知府劉實卒於獄實字嘉秀母福人宣德庚戌進士選

館廡金華通判順天治中守南雄廉介毫不妄取中官過南

雄索賂不得叱粹之從者擁實去中官証實毆之實訴中官

酷狀俱逮入上親聽之俱下錦衣獄論治中官罪實垂出

瘐死實死在官三十年不携家累環堵蕭然士論惜之



死劉定之曰予聞安成大夫士云君善著書尤用意於春秋  
中夜有得蹠童子燃燈起書之如獲至寶斯可謂慕學矣  
而其所事行與古庶幾范丹塵甑者何相異學而知行之  
誠難然以是律已可爾以是求合於塗之人欲與已不齟  
齟豈可得乎仕至郡太守全而歸之其託鑑於聖明為  
幸已多矣

馮時可曰昔原思於聖門問耻而孔子以殺為戒則人生  
所最耻者貪也思之居魯楮冠蓑杖蓬屨甕牖至孔子以  
為宰與之粟九百猶介然而辭其得於耻者如此我公仕

冊子

三十年家無長物出守大都不以脂膏自潤其與原思何  
異然卒以無金錢中閹人之禍廉吏安可為能不令人致  
慨

何喬遠曰劉實即死獄中顧上治閹罪知其枉矣其居  
職操履可稱先進之民

六朝未免杭湖嘉興寧波去年灾租七萬三千五百七十五石

夜大星赤光自雲中深紫徹西藩

庚辰陝西布政使譚溥為南京戶部左侍郎

壬午入犯涼州莊浪命兵部尚書馮昂總督軍務懷寧伯



孫鍾為平江將軍總兵官右都督馮宗克副總兵官都督僉  
事鮑政趙勝充左右叅將統京營萬五千騎往擊之又遣河  
南山東畿內班軍二萬人先往陝西俟命通政司左叅議尹  
旻往治餉  
命法司上重囚罪狀  
丁亥南京大理寺左少卿廖莊為南京禮部右侍郎  
時所在告訐及採訪事情皆即遣錦衣官校籍其家李賢言  
其多枉目勅法司情重者以聞餘悉下巡按御史及所司詰  
治

世六

已丑河南弘農衛指揮使李斌等坐謀反誅初千戶陳母忿  
詬同列訴於斌不問母銜之欲奏陷斌目下之獄益死安  
家訴冤斌賂石亨得寬至是校尉言斌通逃果以聞逃籍  
其家礫斌及弟健下坐誅二十六人校二人沒官奴婢四十  
六人時論寬之  
二千餘騎掠西寧衛  
辛卯故南安國王黎濬弟灝入貢乞封  
錦衣衛百戶曹福來昭武伯曹欽舍人也常販外郡欽慮其  
生事使福來妻告福來病狂外走遠果奏捕之欽追獲福來



築之幾死料道聞而劾欽上是之出劾章示欽速改否且  
罰無赦  
壬辰李賢及會昌侯孫繼宗吏部尚書王翱兵部尚書馬昂  
所在兵災人民艱窘請下寬恤以蘓疲困許之命花不鳥獸  
梨板及追馬清后刷卷採柴之役悉停罷蓋所罷皆民最苦  
而採柴之役歲省可三十餘萬  
夜有星見天市垣宗正星旁色粉白乙未夜城  
戊戌後軍都督僉事宗勝卒徐州人世沂州衛指揮僉事  
夜彗見東方芒二尺餘

廿七

七  
己亥朔勅勲戚都督等曰昭武伯曹欽百戶福來在逃所司  
已奏捕不給文引令家人追獲筮楚於私家夫擅治職官不  
奏送法司與私令家人出不給文引二者皆罪爾等有似此  
者予朕念欽貸之爾等各守分循理毋顯縱干憲欽哉聽朕  
命

夕東方黑氣蔽天

庚子司設監太監曹吉祥及從子昭武伯欽反官軍討捕之  
下獄先時吉祥監軍雲南福建收蓄將能騎射者門下可百  
十人奪門冒功石亨敗裁冒濫吉祥門下如自然吉祥不自



安已欽掠曹福來言官持之急勅諭欽石亨敗前亦勅諭欽  
度不免謀擁兵立太子推上為太上皇是日孫鍾馬昂  
西征陞辭乘之叛吉祥為內應開諸城門討定先夕欽諸番  
將厚贈之都指揮使馬亮懼禍逸告恭順侯吳瑾廣義伯吳  
琛時俱陪祀在直所急趨以告鍾於長安右門上變上即  
繫吉祥命皇城都門毋開中夜欽率弟鉉鑄鐸番將伯顏也  
先等叩東長安門不放知事泄馳至錦衣衛指揮同知遠果  
宅殺之果故其黨而後時操三尺陰擬之所最切齒者也時  
聞甲馬馳驟聲竟西征也既大噪朝士亡匿殺左都御史寇

深於直廬執大學士李賢尚書王翱脅之踪為救踪入攻焚  
長安門宿衛官以磚石塞門不得入欲殺王李吏部郎中萬  
祺懇曰相公不為尊人碑乎忍忘之也俱得脫賢傷馬味爽  
孫鍾馬昂合太平侯張瑾擊賊瑾不敢出鍾語其子曰征西  
軍多從宣武門出爾往號召之官軍可二千逐賊東長安門  
工部尚書趙榮披甲躍馬奮呼市中共殺賊欽復縱火焚門  
殺恭順侯吳瑾及曙賊稍散去鍾子軌奮刀斫欽中膊欽  
走安定東直齊化諸門俱鑊恭順侯吳瑾以五六騎猝值之  
戰死欽遂竄歸家拒官軍鍾攻之會昌侯孫繼宗亦以兵至



時大雨欽黨擗教戰鐘令能殺賊即以貨予之官吏奮勇入  
欽投井死誅都督鐸鐸指揮鉉等其親黨皆先後誅是夕  
工御午門下吉祥都察院獄  
夜夢見井甬  
辛丑命成國公朱儀等分守皇城都城門蓋賊黨未殲也  
壬寅命撫諭都人及被脅從者毋驚疑  
故恭順侯吳瑾追封涼國公謚忠壯故左都御史寇深贈太  
子少保謚莊愍各予祭葬瑾正統己巳從父克忠北征戰時  
克忠矢盡遇害瑾守之不動執之其酋長義而釋之還京

嗣爵深字文淵唐縣人永樂間以諸生告奸入國子監宣德  
初授刑部主事歷山西按察副使拜右僉都御史鎮守四川  
松潘繕堡鑿道諸蕃送款進左副都御史景泰二年召還提  
督遼東軍務平妖卻憂去起復之上初令終制尋掌內  
臺強敏敢任百寮敬憚然寡學術貪殘脩怨初事曹氏漸蹙  
之故及於禍



黃河決開封土城時復繕磚城不二日此磚城亦潰壞公私  
廬舍周府宮人并各官避水城外高阜溺人畜無算南陽河  
南懷慶衛輝汝寧彰德皆被其害

癸卯誅曹吉祥及欽鐸鑄等以徇欽之敗也其黨皆誅獨欽  
妻父賀某免先是欽貴盛賀絕不還往欽欲為求一官賀力  
辭故以免

高岱曰甚哉吉祥欽之愚也黨與不下數十輩畜衆不滿  
千人而上恬下熙朝無可乘之隙欲以此際謀為逆世豈  
有能濟者哉王師捕誅如狐豚腐鼠耳雖然亦幸其謀之  
泄也假令門啟欽輩得入事倉卒起殿陛前吉祥又為之  
內應雖天祚盛明諸光必就誅殄而於國體不大有墜損  
哉其得早發預圖梟殲群逆者謂非天眷佑之不可也  
朱國禎曰曹石並稱矣曹反闕下比姪令言朱泚尤甚石  
氏叔姪不過恃功驕恣失人臣禮初無反謀亦安敢反即  
劾詞亦止曰快、懷疑而已乃俱坐死籍沒與曹同事同



受罷同得罪。本天淵而議者不察與之同科以累戰有功而封侯之奇士不良死濫被惡名不能自白惜矣上公夷於屏干城等於孤豚真少息哉當時李賢之逮逮果摘之英宗恐、馬紀過不賞其功慮整不為其種卒激曹氏之變夫石外疽也曹內癰也治外忘內毒驟發幾至攻心善醫國者國如是乎天佑聖明一旦剪滅果死賢獲存君臣慰勞至今讀之心悸吁亦危也

談遷曰闖稱兵趙高孫季昭曹吉祥古今纔三人耳吉祥久握兵又粗於奪門之役一而再之習為固然即遂其志

權 東宮推 太上直南宋苗劉之已事也且不獲死所

誰為畫此策者真天奪其魄矣噫有請難遂有丙午八月之事有奪門遂有辛巳七月之事漢廢人曹氏皆身預其成而身蹈其禍故倖不可以屢徵也

乙巳攸縣疫

丙午誅太常寺少卿署欽天監事湯序以下日舉兵也

夜羣見井宿丙寅夜戒

丁未故錦衣衛指揮同知安平遂果贈指揮使果起校尉累官陰險殘忍專伺瑣細株無辜朝野側目以杜門絕客故



上任之

蠲應天太平池廬安慶寧國鳳陽淮安揚滁和徐去年災租  
五十九萬七千七百石有奇

戊申逆黨都督同知也先帖木兒竄通州盜田瓜民毆之吐  
竄逮獄錮之

己酉都指揮使馬亮阿的納為右都督僉事都指揮同知帖  
木兒掌羅完者禿為指揮使俱告變者

庚戌詔赦天下  
成山伯王琮為征前將軍總兵官鎮守遼東

傳文略

辛亥大理寺卿李賓為右都御史李賢初薦蕭維禎 上以  
吉祥嘗稱之曰非端人也賢因薦李賓

癸丑奪海寧伯董興壽復右都督 曹吉祥姻

前南京吏部尚書曹義卒義字子宜句容人永樂乙未進士  
選館授編脩轉禮部主事進吏部員外郎歷右侍郎景泰初  
進南吏書天順初致仕平易不檢官無清譽年七十六予祭

葬

仁卯誅蔚州衛帶俸都指揮趙旺錦衣衛帶俸都指揮侯通  
致仕子戶慈谿馮益皆吉祥黨



未星晝見

武備西益晉新堂

丁巳在都右侍郎薛遠往視開封決河

後恭親王請於都右侍郎薛遠

礫曹欽妻賀氏初擬沒之官謂速欽反礫之

或牛懷寧伯孫鐘進封懷寧侯

並報房午命將備蘭縣右都督馮宗為平副將軍總兵官

都督僉事趙勝李果為左右參將往擊之兵部右侍郎白圭

左副都御史王竑俱參贊軍務時京師新喋血孫鐘馮昂不

輕出善蘇之四北歸入也贊臣諫請

庚申進會昌侯孫繼宗太保

夜月犯旱宿

辛酉兵部議

上書求遣使講款且允之報可遂

遣指揮僉事詹昇都指揮同知竇顯往昇假都指揮使

賑莊浪衛

壬戌左軍署都督僉事董宸總督揚州等處捕倭都指揮僉

事管斌鎮守蘭縣

吳昇都督

蘇大

蘇日平舟

右鎮林英吉士蘇莊觀蘇節蘇早陳直會蘇到







壬申 三千餘騎犯永昌衛

癸酉夜木星犯鈞鈴星月犯罰星

甲戌 萬餘騎掠山丹甘州右叅將李榮擊敗之斬十級

道

乙亥 曉刻老人星見

丁丑 浙江左布政使泰和梁榮卒 正統丙辰進士

己卯 前軍署都督僉事張榮充副總兵協守寧夏

辛巳 顏議襲翰林院五經博士

壬午 兵部尚書馬昂進太子少保工部尚書趙榮兼大理寺

少卿

都督同知劉聚為右都督都督僉事趙勝善信韓志苗成茹

鑑季鐸馬良俱都督同知

癸未 吏部尚書兼翰林學士李賢進太子少保

甲申 液次星青白光自華蓋派文星昌

乙未 山西布政司右叅議周顯子璟尚公主進鴻臚寺卿而

不任

九戌 戌朔後軍帶俸都督僉事艾義為都督同知



庚子夜大星青白光燭地自危宿派北落師門化蒼白雲南  
行銅夜本星在初星  
浙江樓察使生鍾致仕蕭國勝  
癸卯夜大星青白光自畢宿派參宿三小星隨之又大星赤  
光自紫微東瀉流天苑五小星隨之太子少保  
進士白鳳徐茂監生張敷張海吳璘朱暄祝祥為監察  
御史同  
脫不花王子領萬餘騎襲李來於石頭城兵敗被殺之  
戊申夜大星青白光自參宿派弧矢三小星隨之

壬子夜大雷雨

癸丑廣寧侯劉安進太子少傅

乙卯賑崇明嘉定峴山上海以七月風潮溢溺萬二千五百

三十餘人

丁巳夜月犯井宿

戊午夜大星青白光燭地自文昌派鈞陳

壬戌安南使臣丁蘭求諭祭故國王黎濬命行人劉秩往祭

京師地震

癸亥釋河南樓察使王聚令終喪聚前坐指揮李斌事下獄



是月遣勘揚廬淮安真定河間廣平濟南青登各驛雨應天  
鎮江鳳陽各旱傷稼

十月申初湖廣都指揮同知楊茂同總兵官右都督徐忝僭運

糧儲六天星青白光自天苑派近濁

丁丑夜月犯壘壁陣星

丙戌夜大星青白光自天苑派近濁

己丑致書襄王瞻塏曰朕念宗室親賢無如叔父茲仰體情

製神像畫軸服飾器玩數十品物雖不腆工作頗精朕復

製詩賦數首用寫名藩山川風景之勝以寓嘉美至可目入

97

夜大星青白光自柳宿派游氣後二小星隨之

辛卯復南京飯堂給孤貧日粥二如永樂例

十一月朔日食

己亥夜月犯金星土火星聚牛宿

丙午致仕都督同知張忝為征西將軍總兵官鎮守寧夏翁

信還京

丁未至日值萬壽節禮部言二節當行慶禮致詞各異又萬

壽節不傳制冬至傳制今請通致詞曰茲遇律應黃鐘日當

長至恭惟皇帝陛下萬壽聖節臣等敬祝萬歲壽然後



惟傳冬至制詞

壬子夜朝食

癸丑復提學憲

試年召南京左軍都督同知許貴協守遼東署都督僉事王

庚申起復右副都御史王宇改大理寺卿

壬戌幸南苑

甲子夜食火二星聚慶宿

乙丑總兵官都督僉事李震為平蠻將軍鎮守湖廣右副總

兵都指揮僉事李安克副總兵鎮守貴州

十二月朔夜月犯井宿

定贖罪例

戊辰京師多盜下巡城御史張祚錦衣獄錦衣官校及兵馬

司官皆鎖項捕盜著為令

癸酉免蕪州松江災租七萬九千二百餘石

乙亥幸南苑

己卯夜月犯井宿

庚辰右軍都督僉事劉玉坐曹黨降南海衛副千戶



辛巳柳景嗣妻遠侯柳溥子  
太保會昌侯孫繼宗兵部尚書馬昂等定五軍三千神機等  
營頭撥十一萬九百有奇次撥十二萬六千有奇  
命雲南布政司仍徵歲辦差發銀先是發銀折金  
癸未宣廟賢妃吳氏薨謚榮思

戊子陳汝言獄死汝言潼關衛軍餘正統壬戌進士授戶部  
主事歷郎中附曹石奪門進侍郎至尚書貪贖恣臆舉朝畏  
之及得罪猶冀赦而不獲也

己丑釋岳正陳循蕭鈺為編氓陳循抵家一年卒循泰和人

永樂乙未進士第一授翰林脩撰從北狩屢言事見採仁

宗時進侍講宣德初同楊溥直南宮五年進侍講學士嘗救

御史陳祚張楷正統七年進學士九年直文淵閣十年進戶

部右侍郎至尚書景泰二年進少保三年兼太子太傅尋兼

文淵閣大學士脩寰宇通志成進兼華蓋殿大學士天順初

戎邊最諳典故初時人望其丰采及柄國之衆介嘗攻考官

爭基地尤強於人焉

廖南曰予觀景泰時陳循柄國凡厥有猷有為者成程厥  
能放厥用然而任怨太深操權太重怨叢則衆怒權踰則



牛疑如江時用等才固可取而志亦可惜也循之明於知  
人暗於知己又胡足惜乎  
辛卯免青萊災租一萬七千石百餘石放山東河南畿內民  
兵  
癸巳都督同知許青克副總兵鎮守松潘  
金星盡見  
己未夜大星青白光自軒轅流近濁

壬午天順六年

正朔子內官周光使襄府索魏還獻二馬下錦衣獄  
辛丑蠲南畿山東河南隨糧蘆葦

程鄉縣賊劉寧等糾海賊攻陷揭陽興定縣復圍長樂縣

申辰參贊機務右侍郎白圭左副都御史王竑等分兵巡邊

適入寇固原王竑與馮宗李果分擊之圭值之固原川擒

九人斬二級竑宗值之紅崖川擒四人斬二級

南陌餘將李果追斬二級擒七人

李來將騎萬餘欲毀大壩以灌寧夏時精騎調援總兵張泰



慕義勇三千人村其子訓總肅以行背河而營堅壁不戰比  
晚朔諭衆曰吾受父命謂今夜寇必來襲慎勿怖宜奮力拒  
之夜羊果敗之厥明詭放牛馬于河之南以善水者往來水  
中罾之冰不及腰敵誤為淺突前皆溺斬獲數百遂遁賀蘭  
山外各酋皆歸命曰吾受父命謂今夜寇必來襲慎勿怖宜奮力拒  
夜月犯井陷軍苦無食朔與父總帥固且無繼  
庚戌朔諭各提學御史僉事曰朕惟自古帝王率以興賢首  
五才為首務學校廢興人才之盛衰治道之隆替繫焉曩嗣位  
之初爰簡學行老成之士授以憲職俾專學政行之十餘年

厥有成効景泰中罷去而廢壞日甚今復行舊典爾等往其  
欽哉夫是一方表率也率人必先己其務端軌範嚴條約公  
勸懲俾崇於正學迪於正道庶稱朕簡任之意

二南京戶部左侍郎譚溥卒

昌邑人  
進士

壬子總兵官都督僉事顏彪等勦潯州大藤峽等獍賊克七  
百二十一寨斬三千二百十七級賜獎勅

癸丑陝西督糧通政司左叅議尹旻言賊退河間供輸困極  
乞罷兵時以後倣難之李賢曰兵可暫不可久暫為為壯久  
則為老莫若令官軍且耕且守罷戍兵但留文武官提督



上然之莫亦今軍且據且...  
鎮守莊浪奉御進保縱蒼顏土軍獵塞外傷於...召還進保  
夜大星赤光自北斗魁流天槍...  
丁巳...首字來盜邊分魁莊浪西寧甘涼...  
己未蜀王悅契慶...  
二朔黃朔增薦新航十二艘...  
夜大星青白光自軒轅流北斗杓...  
丁卯...皇第九子見沛生德妃魏氏出...  
己巳...縣知縣楊慶下錦衣獄內官方勝奉命捕虎過縣索

略欲杖慶不服斥去之勝誣懇重得罪...  
壬申吳鑑嗣恭順侯吳瑾子...  
癸酉勅迺北太師字來既和且遠塞入貢仍自大同陝西險  
遠非太師誠朝廷亦無以待之...  
夜大星赤光自北斗魁流鉤陳...  
乙亥陝西總兵官保定侯梁瑄奏...  
出之...  
丁丑下陵縣知縣...凱錦衣獄凱驗淮府內使被訴也  
己卯夜月犯內屏星



丁亥藥庫火

戊子發千人開祥符之曹家溜

庚寅武縣變作亂

免河南班匠三年停一切不急之務

翰林院侍讀學士錢溥禮科給事中王豫往封黎瀨安南國

王

復黃嵩平樂知府

琉球入貢

許巡撫南畿右副都御史劉孜奔母喪還任

夜大星青白色自軒轅流柳宿

癸巳戶部左侍郎馬諒調南京

乙未文安伯張輓卒輓以功臣子累戰功任中軍右都督迎

駕封顯孝友而性陰故天順初多乘機中傷追封文安侯謚

忠僖

三朔申朔夜大星青白恍自右攝提流天市西垣

己亥夜月犯畢宿

庚子夜月犯六諸王星

壬寅書召淮王祁鈐入京



甲辰召馮宗趙勝白奎還京命王竑李杲暫留防守  
庚初尚書年富奔父喪令還任  
戊申榜招私販鹽徒

三任子右軍都督僉事阿的納賜姓名王義  
夜大星青白光自軫宿深近濁

癸丑召副總兵右都督馮宗左參將都督同知趙勝參贊軍  
務兵部右侍郎白奎還京勅左副都御史王竑都督李杲暫

留防守

丁巳疏淮安南河

五夜大星青白色自辰宿深游氣

乙丑夜大星赤色自太微東垣深翼宿

四月申免開封南陽河南汝寧懷慶衛輝彰德去年災租二十

萬四千一百六十餘石

丙子命沁州及沁源武鄉墾荒

己卯夜月犯東咸星

庚辰夜月犯天泣星

壬午戶部左侍郎張睿為戶部尚書初 上召禮部尚書石

瑁入趨疾上語李賢曰石瑁少器止朕欲以戶部侍郎張



睿代之賢退語瑁，求去。上曰瑁大臣也為人誠豈可坐

小失求退因留如故進睿尚書

江浦縣火

丁亥命浙直織紵絲紗羅萬匹

南和伯方毅坐奸占奪爵

戊子夜大星青白光燭地自大角涿近濁

辛卯更料右給事中潘榮行人蔡哲往封琉球國王尚泰久

子尚德為琉球國王

五卯亥午日賜群臣扇及宴仍題御詩二首於扇分賜大臣

庚子總兵官都督僉事顏彪等駐大藤峽勦龍山等獠人直  
抵潯梧蕪潮皆擊破之賜獎勅

壬寅禁中外官毋增置夾棍等刑具

癸卯設平陽管糧通判

甲辰夜月犯亢宿

丁未故錦衣衛指揮同知速果子增廕錦衣衛指揮僉事果

非軍功不宜襲特予之

戊申兵部右侍郎郝璜調南京工部

進士李森毛弘左賢李翔為給事中森戶科弘賢刑科李翔



南京工科

庚戌大理寺左寺丞夏時正為南京大理寺右少卿  
前右軍右都督田禮率清苑人世保定中衛指揮僉事

丙辰夜月犯壘壁陣星  
戊午夜雷震南京郊壇門鳴吻

己未免西安去年災租二十三萬九千一百六十餘石

六朔寅夜客星見策旁色蒼白

戊辰淮王祁鈐來朝

下國子祭酒劉益錦衣獄典簿徐敬盜糧竊官紙官木罪覺

奏益因釋奠文鈔治茶款各臣也尋贖還秩

己巳夜客星入紫微垣

庚午都督同知過興卒

副千戶

己亥夜客星犯天牢星

召廣東按察副使陳泰

己卯免莊浪古浪涼州永昌鎮蕃衛屯糧五萬二千四百五

十五石

夜大星赤光自天津涿闕道

癸未迤北孛來遣使祭占等四百五人貢馬百二十九匹



廣東道監察御史夏瑁為廣東按察使  
楚府火相  
前右副都御史盧睿卒 東陽人宣德 進士

甲申起李秉南京右僉都御史

湖廣總兵官都督僉事李震率兵自錦田江直抵雲川貴嶺

橫江等寨擊擒賊斬二千五百餘級擒三百餘人

丙戌前軍帶倭都督僉事薛忠卒

本七

戊子夜大星青白光燭地自天井涿天市西垣三小星隨之

月犯畢宿

己丑金星晝見

庚寅張斌嗣文安伯張輓子

侵高山衛總兵官彰武伯楊信會叅將張鵬擊走之

癸巳雲南木邦土官罕落法作亂屢侵隴川

七月未平陽妖人宋普貴等涿劫汾州蔚顯等格捕之伏誅

夜大星青白光自空宿涿近濁

丙申淮王還國



巡按直隸監察御史樊英下錦衣獄以過六令飲同年主事  
鄭瑛家也

鎮守西寧左監丞陳善免

壬寅翰林院脩撰劉吉檢討邢讓主試應天

甲辰道北使臣都督同知察古為都督

伊王顯映慶年四十六謚曰簡

工科給事中劉斌言近諭葬南京吏部尚書曹義諭制十倍

今後務遵舊制從之

丙午夜大星入鬼宿

戊申夜大星青白光燭地自天苑派參宿十餘小星隨之

甲寅湖廣貴州會攻叙州擊破之斬二百餘級擒渠帥九人

庚戌鎮守居庸關都督同知李奇卒 交河人祖玉新建伯廕都指揮同知累官貪贓

壬子文安知縣何源為通州知州

是月淮安大水潮溢

癸亥朔賑東莞等縣水災

乙丑脩各邊屯堡斥堠濠塹

己巳辰刻金星見酉刻木星見

庚午翰林院脩撰陳鑑劉宣主試順天



都指揮僉事宋瑛鎮守居庸關

癸酉夜大星青白光自婁宿派雲中四小星隨之

戊寅廣東按察使劉陳泰為左僉都御史巡撫四川

有若梁顏三衛欲三千人犯邊先一二百人誘我中伏勒邊

將慎之

前右副都御史韓福字為膠州人永樂乙未進士自行人司正

御史參理軍實

軍務非其軍矣

遠東寧遠備禦都指揮僉事韓斌分守義州

真人即以正卒燕人

五九

己丑巡按直隸監察御史李傑謫四川南溪典史傑劾漕運

右都督徐恭薦右副都御史林聰代之恭因摘其杖大河衛

帶俸指揮同知張鑿外戚也私淮安知府楊景擅乘八人輿

遂亦傑錦衣獄

九甲午晚刻金火星聚張宿

癸巳中書舍人楊貴芳言誥勅勘合編號國王以禮字追封

以文行忠信字文官三品上以仁義禮智字三品下以十干

新製武官誥命初以二十一宿續以千字文後以急就章今

文官誥勅十干已盡大上命用十二支編之



乙未 聖烈慈壽皇太后崩  
夜金星犯軒轅左星  
戎戍增禮部儀制司主事  
南京工部尚書王永壽卒  
王永壽字延齡太原人  
王統 貢  
授饒州推官進御史  
歷按山東貴州江南  
進工部右侍郎  
調南京至高書尋改  
北京奉勅巡撫湖廣  
人甚安之  
天順初  
仍調南京雖無他才  
蓋淳謹寡默人也  
賜祭葬  
巡撫甘肅右副都御史  
為劉卒劉寶坻人  
天順進士授御史  
遷江西按察副使  
天順初累進右副都御史  
巡撫甘肅歷官

二十餘年  
至輒散人憚第內鎮干進士論薄之

大雷雨夜大星青白光自北河涿軒轅

真子翰林院庶吉士劉健汪諧張元楨為編脩  
鄭紀張頤周經為檢討  
張謹李溫張賑王範為主事  
溫禮部賑戶部範刑部  
楊德為大理寺左寺副  
張溥蔡霖為評事

癸卯南京左通政馮貫卒

涇陽人 都督府吏 歷通政司左參議 天順初 詔 鄉人 石亨 進右通政

夜大星青白光自危宿涿近濁三小星隨之

乙巳夜天鳴

丙午懷柔伯施聚卒聚通州人  
襲金吾右衛指揮使累征



有功正統末以右都督克總兵官協守遼東景泰三年殺賊  
登州營有功封有營力善騎射在邊以敢勇稱

丁未戶部定右田縣銀課千二十五金福寧千五十金

各減其半

已酉上欲用都指揮谷登克副總兵鎮守涼州李賢言登  
勇略不及薦劉玉河任從之

庚戌錄故浙江按察僉事王晟子忠孝為河南府經歷

夜月犯畢宿

辛亥夜月犯六諸王星

壬子錦衣衛都指揮僉事門達請別置錦衣獄從之時多罪  
囚獄隘不能容

癸丑禁鎮守總兵官參將理訟

甲寅前吏部尚書王直卒直字用儉泰和人永樂甲申進士

選館文學居優授脩撰從祀幸進侍讀仁宗初進侍讀學

士尋進右庶子宣宗初進少詹事正統初進禮部左侍郎癸

亥拜吏部尚書天順初致仕直學富才敏持銓盡慎時江西

二王東王謂直西王謂英直自登籍無少忤年六十四贈太

保謚文端予祭葬



素衣白太宰百里之長也得其人則衆正進而天下安非  
其人則群枉登而天下亂此不易之道也明興尤慎重此  
官而以廉公明者間者前有襄公後有二王豈不難其人  
哉夫惟至公則官無私暱至明則名實不眩至恐則人無  
遺棄才望剛則政出於一若文端者庶幾近之矣  
乙卯夜大星赤光自羽林軍派近濁三小星隨之曉刻火星  
犯太微垣小將星  
丁巳暹羅等入貢  
奪戶部右侍郎江陰劉本道官本道由吏進<sub>禮</sub>部員外郎謫

曹石超任至是服闋赴京進章之

楚府東安王季燠薨年三十七謚恭定

含山大長公主薨年八十二

己未曉刻金星犯太微左執法星

庚申<sub>上</sub>御西角門諭禮部曰大行皇太后遺詔服制二

十七日除朕不忍朕仍素冠服視事西角門爾群臣以素服

朝參侍山陵祔廟畢乃易淺色衣以朝

十<sub>至</sub>月戌朔光祿寺請陶器萬餘件<sub>上</sub>已之

夜大星青白光白天舩派天棓



癸亥復右都督董興海寧伯為鎮朔將軍總兵官鎮守宣府

丁卯加恩蘭脅奪哈密忠順王妃掠赤斤罕東二衛

戊辰上孝恭懿憲慈仁莊烈齊天配聖章皇后尊謚

己巳夜金星犯進賢星

庚午夜大星青白光自北河派中台又星赤色自畢宿流弧

夫三小星隨之

辛未頒謚詔

丙子日赤如血薄暮月亦赤

戊寅前太僕寺卿吳敬卒 上海人善書

丁亥遣戶部右侍郎楊鼎以漕舟可至天津德州者即收貯

其粟以便回運

夜大星赤光燭地自參宿流近濁三小星隨之

十一月 癸巳夜大星赤光自婁宿流近濁

甲午 孝恭章皇后祔景陵

丁酉稷山王幼圻薨年三十二謚莊靖

庚子 孝恭章皇后主祔太廟

安順伯薛德卒

癸卯召宣府副總兵都督同知董斌



甲辰丁守來以二萬騎掠朵顏三衛遣使貢馬來獻捷欲從  
獨石入命從菑兒庄入

乙巳太監吳昱守備天壽山兼提督黃花鎮軍馬

丙午夜火星犯進賢星三十二

丁未松潘副總兵都督同知許貴卒江都人

己酉考郎兀衛都督僉事哥哈為都督同知

壬子都指揮使程俊使札加思蘭

左軍都督同知茹鑑卒大寧人

戊午陝西行都司帶俸都指揮僉事趙英鎮守莊浪

己未進士紀欽劉恭為給事中

庚申復豐伯潤曹振爵

守制翰林院學士呂原平原字逢原秀水人少孤郡守黃懋

拔異之正統壬戌進士授翰林編脩景泰初進侍講明年以

中允兼侍講秋進侍講學士七年進右春坊大學士兼侍

講天順初改通政司左叅議主禮闈復直閣尋進學士憂去

性孝友寬厚詳慎不立崖岸在閣預聞大政多有裨益所著

介軒集贈禮部左侍郎謚文懿予祭塋



十

二月起復通政司右叅議劉昭  
 癸亥協贊兩廣軍務監察御史吳禎為右僉都御史巡撫廣  
 西命右僉都御史葉盛專巡撫廣東  
 起復河南按察使王葵為右副都御史巡撫陝西  
 乙丑復海南衛副千戶劉玉為右軍都督僉事右副總兵鎮  
 府涼州  
 丙寅召廣東都指揮使張瑞

丁卯夜大星青白光自參旗流天廬

戊辰襄垣王遊燁燬

巡撫山東右副都御史賈銓兼撫河南

癸酉脩曲阜孔子廟

召左副都御史王竑

迨北太師李來奏臣長諸部勞賜宜加等命增織金絲幣一

時李來與毛里孩猛羅出猛可相仇殺不敢深入

限南京快舡惟冰物十五扛一艘餘滿載毋濫分滋擾

乙亥正上仍御奉天門如常朝



南京刑部尚書蕭維禎改南京兵部尚書

丙子勸陝西富民出粟賑饑

丁丑都督同知陳友充總兵官鎮守宣府

戊寅復郭鑑堯州知府

復李匡左僉都御史巡撫宣府命韓雍專撫大同

夜大星赤光燭地自文昌派紫微東籜三小星隨之

己卯大理寺右寺丞吳琛為右僉都御史巡撫甘肅

甲申禮部尚書石瑁卒瑁字信之應州人宣德癸丑進士授

禮科給事中守金華歷今官無他才識致顯位倖也

乙酉夏上不豫

鎮守莊浪奉御進保忤都督林宏互訐徵保還下獄論死

丙戌免陝西買辦纓毛

戊子徵宣府右叅將都督同知江福都指揮僉事張傑右監

丞阮祿奉御陳莊還京各私役軍士縱寇失事也

己丑命有司捕逃匠

庚寅夜大星青白光燭地自井宿派五車

五車... 庚寅夜大星青白光燭地自井宿派五車



癸未天順七年

正月朔守備龍門都指揮僉事黃垣充右叅將鎮守獨石馬

營

甲午夜大星青白光自角宿派騎官星

丁酉南京西安門木廠火

壬寅停陝西山西御史清軍

甲辰東寧伯焦禮卒禮字尚節山後廣寧人襲廣寧後衛指

揮僉事調守遼東禦功累進左都督天順初積勞封有膽

略善寡擊衆邊方賴之追封東寧侯謚襄毅

之

丙午上南郊時足疾掖而就事

丁未夜月犯內屏星

辛亥吏部大計罷斥千六百四十二人

壬子吏部左侍郎姚夔為禮部尚書

夜大星自即將派角宿五小星隨之曉刻火星入氏宿

癸丑哈密使臣都督同知把帖木兒為右都督

祠故汀州推官王得仁於汀州

甲寅迤北使臣右都督納哈出為左都督

夜月犯南斗杓星



丙辰貴州洪江苗二千餘人攻鎮遠也寨

丁巳都指揮使李剛充右叅將鎮守萬全右衛

廣東都指揮韋俊守德慶千戶所賊陷之戎俊南丹衛

戎午廢遠府奉國中尉豪坨為庶人以淫暴也

二朔申朔夜木星犯牛宿

壬戌詹事陳文為禮部右侍郎兼翰林院學士直文淵閣

廣東道監察御史馬文升為福建按察使

癸亥後軍帶俸都督僉事詹忠匡喪調南京

昏刻老人星見

乙丑禮部右侍郎兼翰林學士陳文尚寶司少卿兼翰林脩

撰柯潛主禮闈

丙寅風霾

戊辰琉球國中山王尚德入貢

貢院火貢士死者九十餘人詔改試八月

己巳下禮部左侍郎鄒幹郎中俞欽主事張祥御史唐彬焦

顯於獄以焚闈也尋宥幹復之餘外補

辛未都指揮同知海榮指揮使馬全使哈烈指揮詹昇葛春

使撤馬兒罕指揮同知劉福善賢使哈失哈兒都指揮僉事



白金百戶白暹使阿速都指揮同知桑斌正千戶劉俊侯工  
魯番都指揮同知石見赤都指揮僉事金貴使哈魯都指揮  
同知柏貴副千戶楊貴使訛加思蘭  
陝西都指揮僉事汪禮守備延綏東路  
癸酉賑甘州等衛  
陝西按察使項忠請罪人紉粟賑饑從之

甲戌蠲貴州宣慰司通糧萬六百石兩浙運司各場課萬四  
千引有奇

乙亥國子司業吳淮予告

丙子改定松潘中鹽例

己卯禮科給事中孔公胸右春坊右贊善司馬恂並為少詹  
事恂司馬先後

復張應荆州知府

戶部尚書年屆以光祿寺廚料歲增乞內臣同御史覈其出  
入從之

庚辰河南布政司照磨金景輝言黃河國初在封丘後徙康  
王馬頭尚有一支由沙門注運河一支由金龍口以達徐呂  
二洪正統間決聚澤入淮舊河支河俱堙阻運景泰間水道



城築隄四十餘里水發輒潰天順初漂沒北城磚門言之可  
為於邑令不踈導以殺勢止委之一淮仍起隄防恐開封終  
為魚鱉區令宜踈金龍口量濬舊河以洩水患從之  
壬午命真定浙江貢羊毛羊羖水竹白藤木料  
癸未進士潘禮秦崇為戶兵科給事中  
上杭賊平餘孽復四千人命捕之  
丙戌上諭李賢曰近聞空中有聲天譴也且禳之對曰傳  
云無形有聲曰鼓妖君不恤民天下怨叛則妖生焉乞行蠲  
恤之政上曰朕心也

七

下禮工部左侍郎霍瑄薛遠等錦衣獄以擅移貢院於安仁  
坊草場上責之命貢院如故

丁亥廣東都指揮使張瑀復署都督僉事副總兵鎮守宣府  
夜大星赤光燭地自軒轅派太陽旁五小星隨之

三明年安南入貢

戊戌進士司福朱賢陳煒婁芳黃璵潘縝任璽曹英王聰彭  
昭徐斐俊英陳選宋黻陳相劉驥知縣賈興田濟吳瑞王璽  
孫逢吉監生王瀛張璿周源劉忠為監察御史  
己亥天霽夜大星赤光自參宿派至濁



庚子初廣西總兵官都督過興疾免子得隆從還道祁陽以  
知縣李翰不賄杖斃之并及其子事聞興得隆俱論死  
壬寅詔曰畿內去冬少雪今春不雨四方之遠亦恐或然夫  
天時違和地利未盡吾民衣食何所自出欲慰群情宜加寬  
恤各條示於後云云於戲代天理物爰推一念之誠節用愛  
人用錫萬邦之福

甲辰勅左副都御史王祐總督漕運

乙巳木星晝見

丁未夜大星青赤光自貫索派弧矢星

七

戊申悉罷清軍監察御史

辛亥兵部右侍郎白圭為工部尚書起復通政司左叅議尹

旻為吏部右侍郎

山東左布政使原傑先任江西按察使武昌知府張勛先任

青州俱課最賜誥命

壬子雲南右布政使李春為禮部右侍郎署光祿寺事浙江

左布政使沈義為工部右侍郎

癸丑封蜀世子友垓為蜀王友垓廣靈王

甲寅太僕寺丞李侃為少卿



乙卯戒陝西納米冠帶例凡納百戶予之

曉刻月犯壘壁陣星

是月廣西賊陷岑溪縣鬱林州

四朝商命貴州四川湖廣雲南各輸米百石於貴州者予冠帶

仍開納贖例

夜火星退犯氐宿

癸亥戶部右侍郎楊鼎為左侍郎工部右侍郎薛遠改戶部

太僕寺少卿金輔卒賜祭

甲子進士崔儀王誼為兵刑科給事中王徽為南京刑科給

事中

召都督僉事李杲還京

夜大星青白光自天騎涿至濁

乙丑貴州左布政使范理為南京工部左侍郎理台州人庚

戌進士知江陵諭民賑至民誦之雖衡樞貴無敢漁一錢

楊博薦知德安府民遮留不得則奔錢十里慟哭而返理居

官清慎忠勤一以惠利為本以最超遷貴州左布政其去貴

州也民阻錢益甚

弗提衛都督同知蔡安奴為右都督



海西女真犯開原左叅將曹廣等擊卻之

丙寅通政司左右叅議楊樞劉昭為左右通政

丁卯薛瑄嗣安順伯薛忠子

己巳南海子弘仁橋成

巡撫大同右僉都御史韓雍為兵部右侍郎貴州按察使陳

价為右副都御史

岳陽王季境薨年五十謚恭僖

辛未奉 孝恭章皇后主太廟

壬申夜月犯亢宿

七〇

壬午下巡按宣大監察御史李蕃錦衣獄或譖其擅權武弁  
迎送用軍容也已械長安左門卒

癸未脩周府

日赤如血

丙戌奉御來僧內使韋肅往浙直織幣

戊子前南京工部左侍郎吳政卒禮部主事進員外郎進士授

濟稱宣德中進右侍巡撫湖廣鋤強柳

五月丑朔日食

庚寅黑雲地而毋塞亦主入貢



丙申裕州知州秦永渴貪暴民訴之逮至京籍其家誅之仍榜示天下

天鳴

保定河間大名廣平順德濟南東昌青衛輝旱饑

壬寅書褒襄陵王冲殊孝行

癸卯南京左都御史石礪戶部左侍郎馬諒前府忻城伯趙

榮都督同知范雄右府都督同知張斌俱罷錦衣衛指揮僉

事門達言其衰憊也

戊申太常寺卿夏衡致仕

七子

增置西倉

癸丑知縣劉珂李昂監生方進李讓趙璉李為監察御史進

讓等俱南京

遣諭海西女直初左叅將曹廣奏都指揮馬鑑敗入寇海西

女直於清河寨斬四十餘級至是海西嘔罕等衛頭目來朝

言悞殺清河寨歸順者故有是命

甲寅監察御史楊璉巡按遼東錦衣衛言其擅撻武弁命械

都察院門

丙辰都督僉事果領京軍千人往代朔屯守防胡



六月戊夜大星赤光自紫微西藩派五車  
癸亥施榮嗣懷柔伯施聚子

甲子命蘓松徽常浙江以折糧銀十二萬石市青紅綠紵絲  
萬匹

乙丑左軍都督僉事靳忠卒

丁卯命各按察司管屯副使僉事及兩畿巡按御史專理預

備倉糧

監察御史韓祺巡按山西回門達以作威狎廝役械長安左  
門卒

戊辰安南入貢

夜大星赤色自紫微東藩派文昌

壬申順天府尹王福奔母喪還任

辛巳勅諭迤北可汗及太師孛來

甲申錦衣衛旗校多詐稱緝事四出脅賂指揮僉事門達謝

罪工宥之初遠果數捕告謗訛達嫉之時論翁然歸達及

繼果鎮撫亦效果以媚上或語達曰遠果激叛武臣不易

察也公欲行督責之術則文臣易裁耳於是分遣官校行緝

中外蒐求幽隱吹毛批根及於僚庶上以為能至與學士



李賢並委矣

七胡子翔福建奏事先列布按二司次都司以上以察次責之

命今後填奏序坐俱視品

密雲縣大雨水

庚寅前軍署都督僉事都指揮僉事劉福卒

壬辰夜火星犯區宿

丙申釋左都督羅秉忠初曹氏株累日踪辨 上原之

丁酉夜大星青白光自斗宿深雲中

庚子前工部尚書王登卒登郟人國子生授蘄州同知歷應

七七

天治中山西右叅政山東左布政使輒有惠政正統中以行

在工部左侍郎進尚書王振歎侮之早退廉慎精敏才守俱

足稱卒賜祭塋

癸卯寧陽侯陳懋卒懋字舜卿壽州人靖難初以舍人從有

功授指揮僉事累進右都督封伯七年捕赤保連進侯累

征進太保洪熙初鎮甘肅予世侯正統初坐總兵守邊失

機閑住五年仍給祿景泰三年加太子太保天順初革年

十四靖難功臣同時無存者惟懋碩果好聲佞至老不衰予

祭塋追封濟國公謚武靖



甲辰大理寺卿王宇卒宇字仲宏祥符人正統己未進士授  
南京戶部主事守撫州緝金穀知縣劉綬之貪散饑盜課最  
天順初進山東右布政使明年拜右副都御史巡撫陝西宣  
大遷大理寺卿宇頗嗜學好為文洗冤澤物設不能殫事賢  
倡象疇之  
丙午西寧番賊入莊浪  
己酉傳陞吏部郎中萬祺為太常寺卿  
新會縣丞陶魯為知縣初程屢犯境魯以民兵屢卻之稱保  
障焉

庚戌免陝西去年田租九十一萬二千餘石  
辛亥赦妣劉氏薨

壬子山東按察使王越為右副都御史

甲寅夜火星入犯房宿

丙辰前軍都督僉事顏彪為都督同知和勇為右  
都督都指揮使楊麟為後軍都督僉事鄭真為南京左軍都  
督僉事先征大藤峽賊殺降報功

閏七月朔夜土星逆行犯壘壁陣星

己未右副都御史陳价巡撫寧夏王越巡撫大同



諭廷臣追復母后胡氏  
庚申禁文職子孫乞廢  
翰林院檢討張業為國子司業  
辛酉金星晝見  
癸亥蘄門峇利國入貢  
甲子鎮遠侯顧興祖卒興祖無將才初征廣西諸峒寇宣德  
初召還正統中總神機營尤貪婪已已降都督同知仍復爵  
幸矣  
乙丑追上故靜慈仙師胡氏為恭讓誠順康穆靜慈章皇后

七九

脩故廢后胡氏陵寢

丙寅夜月掩南斗魁星

甲戌追上故靜慈章皇后尊謚禮部請頒詔已之第書告

各王府檄各布政司初 宣宗晚悔廢后欲復之未果 考

恭太后崩皇太后錢氏力以請 上語李賢對曰威德事也

奉其主陵殿如奉先殿禮

吳談遷曰裕陵釋建庶人復 三胡后俱出特斷南陽因而

從吏之誠克舜事也 仁聖在上曠思疊見倘有能推緣

其意并復 建文君必蒙鑒允未敢為時賢望也



乙亥定明年正月朔廷試

丙子河南左布政使侯臣參政蕭儼謝佑參議王鉉按察使

吳中張諫項聰僉事王紹奪俸三年僉事高遠免巡按御史

吳玘梁觀浙江僉事陳璧台州知府邢宥俱謫縣丞以誅秦

承昌并逮監司坐故縱也

癸未金星晝見

朔子代王仕墀薨年五十謚曰隱

曉刻老人星見

己丑賑淮安鳳陽揚徐饑

庚寅漕運總兵官右都督徐恭致仕

辛卯夜月犯凍咸星

甲午太常寺少卿兼翰林院學士彭時侍讀學士錢溥主禮

闈

丙申文安伯張斌有罪銅錦象獄

己亥錦衣衛帶俸都指揮同知孫紹宗卒

辛丑懷寧侯孫鏗辭三千營

癸卯撫寧伯朱永領三行營

乙巳夜大星犯南斗杓



丁未增沂州判官專督柴炭

庚戌夜大星赤光自敗瓜渚天市垣三小星隨之

癸丑夜月犯內屏星

甲寅出帑金募商納湯

昏刻大星赤光自河鼓流斗宿五小星隨之

丙辰前禮部尚書胡濙卒濙字源潔武進人建文庚辰進士

授兵科給事中 太宗召對稱旨進戶科都給事中丁亥命

巡歷天下名訪張三丰實陰察建文在否也丙申還朝夏去

起復又進禮部右侍郎明年巡江浙楚襄還報行在泉跡東

宮七事釋

上之疑洪熙初進太子賓客南京國子祭酒宣

德初進禮部左侍郎尋入朝進行在禮部尚書天順初致仕

濙節儉寬和喜怒不形以德重稱而突梯多智每大朝事皆

豫定於中而外迎合之故歷任垂六十年榮遇不衰十知貢

舉年二十九好接方士遺譏幃簿云賜祭墓贈太保謚忠安

袁宏曰老成人國之著蔡而士之表儀也胡公以碩德立

朝忠勤篤恭夙夜匪懈歷事六主並受寵遇晝接蕃庶冠

絕百寮晏子有言一心可以事百君斯之謂矣求之古昔

其文潞公之傳與



後軍右都督陶瑾卒鳳陽人襲揚州衛指揮同知

九胡午起復吏部左侍郎崔恭順天府尹王福

昏刻大星赤光自列肆派近濁

辛酉夜月犯南斗魁

己巳定國公徐永寧請封其母下獄停祿半年

夜大星青白光自左旗派至濁二小星隨之

癸酉夜月犯六諸王星

甲戌廣西賊流劫雷廉高肇勅責兩廣鎮守巡撫官

乙亥合巡撫大同右副都御史王越奔母喪還鎮

丁丑江寧主簿廖世清為縣丞

夜金星犯南斗魁星

己卯翰林院編脩王與為侍講

四川蒲江賊悟真等據岳池派劫榮昌遂寧銅梁等縣

辛巳故右都御史李實下錦衣獄藉其家以暴橫鄉人訴之

甲申免長沙旱灾田租

鎮守臨清平江侯陳豫卒豫嗣伯爵總京兵平沙縣賊進封

平江侯景泰初鎮臨清歷河南山東南京天順初復鎮臨清

豫讀書循禮事期安靜工詞翰卒賜祭葬



乙酉夜金星犯狗星  
丁亥賑武昌漢陽荊州水災

己丑昏刻木火二星聚女宿

丙申夜月犯外屏星

丁酉賑陝西饑共糧百八十三萬餘石

總督漕運後軍右都督徐恭卒

和州人世燕山右衛指揮同知恭謙謹行事晏靜

戊戌陝西按察使項忠為大理寺卿陝西各官奏留之命忠

巡撫以王槩為大理寺卿

甲辰雨木冰

乙巳逮福建按察使馬文升以奏名列都布二司前

江上鹽盜劉清伏誅

丙午朔陽知縣陳瑄為潮州試知府巡撫葉盛言其能撫亡

勦寇也

丁未涿賊劫廣州甚亟勅巡撫廣西右僉都御史吳禎節制

兩廣官軍與廣東鎮守官計擒之

戊申夜月犯內屏星



己酉吏科給事中魯崇志為南京太僕寺少卿

夜月犯太微垣上相星又大星青白光自五車派文昌

庚戌夜金木二星聚女宿

辛亥監察御史朱賢降四川花林驛丞初賢請廣進士願下

獄

癸丑夜土星犯壘壁陣星

十一卯朔夜火星犯土星

戊午昏刻月犯十二諸國代星

庚申夜大星赤光燭地自天倉派壁宿四小星隨之

己丑萬壽節<sup>禮部</sup>請賀 上曰母后違養未及大祥朕何忍哉至

期御奉天殿諭群臣如朔望儀

丙寅金華民訴其知府張瑄貪酷 上畧遣官校察之曰即

不實亦械至遂下錦衣獄

大藤峽賊七百人夜入梧州執副使周壽殺訓導任璩總兵

秦寧侯陳涇等駐城擁卒自衛不發一矢致仕左布政蒼梧

宋欽挺身諭賊被殺賊去之

鄒平王恭愍薨年四十五謚莊靖

丁卯錦衣衛都指揮僉事袁彬調南京錦衣衛帶俸閑住彬



雖得工重畏滿好避而鎮撫司都指揮僉事門達權勢陰赫  
多縱子弟為奸利計廷臣中動輒上聽惟李賢袁彬也因譖  
李賢曰是嘗受陸瑜金酬尚書者上疑之復嗾游徼撫彬  
陰事劾奏上時果於法曰是負我者然故人不死足矣此  
外以任若達退則執彬若之彬自誣伏有髹工楊塌憤而擊  
登聞鼓訟冤詆達奸惡數十百事事有指而極稱彬枉有社  
稷功不宜罪詔併下達治達劫之使誣李賢具草塌詭諾達  
大喜罷皆出湯沐沐塌醜肉食之持牘面訴上曰李賢令  
之中臣為袁彬地獨不畏陛下法乎上曰明於東朝堂

辨之既廷鞠塌出餘肉大呼曰天子冤哉門指揮醜肉食我  
而令引李也李學士貴人吾何從見之且吾死固分奈何冤  
他人為也達慚沮釋彬得分司南京達罷塌袁李賢德塌欲  
見之謝曰小人卒也寧敢面相君不往  
黃瑜曰石亨欲陷徐有貞得馬士權不屈而免門達欲陷  
李賢以楊塌不屈而免世曷嘗無義士哉主使之風今猶  
襲用之豈成憲然哉賢之不為有貞特天幸耳  
張弼曰塌於彬無恩於達無隙又非言官以圖塞責也特  
公論所激挺身以突虎口其不死者幸也勇於行義者何



如哉然此公論其人面目者皆能知之而高冠長裾稱科  
第人物者乃低面澳忍甘為之掃門捧溺無所不至而鵬  
隴然自得誇譟於人何利害之移人乃如是其烈耶聞頃  
之風亦可少媿矣  
馮時可曰嗟子損以一卒抗議螭頭摘大慈伸大冤奇節  
哉事已則由一安一神字自如若日用飲食而不知為義  
為德也卻千金辭一官豈曰微名其中博大不可量矣  
戊辰金吾右衛帶俸都指揮同知聶憲鎮守臨清令金吾  
夜月犯軒轅星

己巳召鄭世子祁鏗以嬖婢致妃張氏自經

庚午巡按四川監察御史田斌故善瀾刻博士單誠誠使蜀

府斌從誠所受賂事覺下獄工曰其拷訊令言御史行人

進士使出似此受賊者有幾若不得問官罪無赦

乙亥使將至關欲卻之李賢曰夷性亡常容則喜卻則怒

莫若寬待之其來千人宜俱入京令即反費自省從之

夜月犯內屏星

丁丑昏刻大星青白光自參宿流近濁

戊寅夜月犯亢宿



唐派太子少保廣寧侯劉晏致仕  
兀者衛都指揮使察安察為都督僉事

辛巳盜入廣安州殺知州柴良

壬午下右都御史李賓右副都御史林聰錦衣獄時福建按察僉事包瑛誣遠下臺獄忿而自經遂見劾跡脫也尋釋奪

俸一年

十二月以朵顏三衛貢自大同非例令頭目三十四人赴京

餘留大同

免丹徒丹陽當塗金壇武進江陰無錫宜興長洲常熟蕪湖

銅陵上元江寧句容溧陽溧水江浦六合水災田租

庚寅魏國公徐承宗卒承宗嗜書守備南京廉謹自持雖中

貴同事未嘗少附

辛卯下刑部尚書陸瑜侍郎周瑄程信員外郎吳錫等錦衣

獄時械惡少逸之尋釋瑜等

談遷曰天順之季中外纓組填獄北司者比、也偏信門

連羅織細故雖閣部無少免獄吏之貴固如是矣

初以校尉言巡按雲南御史張祚貪清軍御史程萬鍾淫速

入京法司錦衣衛獄上命更訊祚萬鍾如其貪淫者有幾蓋



上嚴墨吏之誅曰貪風息則天下治

甲午夜用犯天街星

戊戌陳潤嗣寧陽侯陳應子

辛丑工不豫

癸卯命成國公朱儀守備南京

己進士鄧本端王項騰霄陳繼裕父福胡聖監生任佐何

傅董俊張恂蘓慶顧浩張輓王祿劉源為監察御史

戊申北貢馬三千餘匹留一百人大同來朝凡千人

己酉免其定今年夏麥萬三千一百五十九石

辛亥廣西左叅將都指揮使范信為右軍都督僉事廣東備

倭都指揮使張通為前軍都督僉事仍鎮守備倭

前戶部尚書李敏卒敏新安人

貢士授鳳陽府同

知薦守汝寧課最進應天府尹能聲益著景泰初進戶部右

侍郎巡撫南畿尋進尚書天順初致仕卒賜塋

是月廣西派賊陷新興縣及樂民石城二千戶所

甲申天順八年



正月卯 上不豫

戊午昏刻月犯外屏星夜大星青白光燭地自即位派天紀  
二小星隨之

己未召太子視事文華殿初上召李賢便殿曰今庶事

頗寧而大者反操奈何賢曰此國本也上曰然則傳太

子位子賢頓首曰宗社幸甚遂立召太子

庚申金星晝見

甲子太保會昌侯孫繼宗攝南郊

大霧咫尺不辨人物

乙丑雨木冰

戊辰廣西派賊夜入清遠衛執都指揮尹通按察僉事王鼎

蠻賊破懷集縣

己巳上大漸召諭皇太子及太監牛玉傳恭裴當黃順

周善於榻前命東宮即位百日而婚定后妃名分止嬪御

殉葬歛時衣器用袍服繫腰條環皇后同東宮自選帶

及鞋者易條鞋擇葬地皇后他日同合葬惠妃亦遷來

餘妃以次祔葬梓宮之陵遣親王護行世用多牛玉奉諭示

閣臣李賢曰所言闕大體止殉尤盛德也



庚午上崩乾清宮年三十一歲上崩習騎射時御琴書自  
奉儉約宮壺嚴於外廷臨朝淵默岳峙近侍莫窺其際而司  
奏章一覽即記親自裁決無所旁落嘗與李賢彭時論事賜  
賢策親袖紉之其敬天之誠勤民之切臣品心術悉知高下  
事皇太后之孝待羣王叔會昌侯元易之情禮兼至所以  
處宗室戒畹不用恩掩義一代稱聖主焉

鄭曉曰其上天資英明冲年嗣位孝敬重閣信任舊臣留心學問不喜玩好既親政崇儉恤民夙夜孜孜蠲租省役每勤詔諭禮祀群神加俸百官開薦舉嚴考察設提學祀

宋儒謹矣青勵風憲輯戚里文武將相宰執侍從臺諫皆務擇人久任不倦卹民間利病即嘗北狩本為社稷非徒巡狩已也復辟之後殷憂啟聖敬天勤民曹石既誅閔念于岳進賢去奸益加冰慎萬幾精覈號稱治平若乃禮遇李維禎曰主少而國不疑母后臨朝而政不旁落乘輿蒙塵而復辟高皇帝在帝左右式靈之矣帝能出建文庶人而深脩郊於景帝猶曰人我異觀能誅石亨曹



吉祥而卒不罪王振則事之不可知者也

馬晉允曰英廟超出古今五事禮遇者孝莊追謚恭

讓悼念建文定后妃之分止嬪御殉葬皆仁明之盛事也

蓋正統末年用王振而北狩天順初年任曹石而變多若

夫正統之初三楊調護天順之末李賢柄國其後績又有

足多者於子賢奸之繫國家治亂若此可不慎與

談遷曰英宗初承平之後海內富庶文武恬熙首事麓

川繼以北伐一時吏卒尚有遡榆川之駕觀石門之烈者

豈知魚潰獸駭為晉宋蹈亡哉沙漠傳書嗟一邸邸蓋

九

深為社稷計也倏而返暉倏而復祚俱事出望表史傳未

聞而帝處之坦如也權不自制驕及勲闈石亨幾驟乘

之誅吉祥同甘露之逆始躬決廢政旁求者舊風興夕惕

蓋無日忘穹廬南城時也噫一王振未已也又吉祥潰之

一馬順未已也又門達怙之蓋英主慮失其權為人所

竊而具有敗有未敗者禍有深淺也



不罪王族則...

馬音此曰...

或惟念建...

雖其真...

一馬...

或無日...

入...

冠...

梁...





